

SAKSPAPIR

Saksnr	Utval	Type	Dato
032/21	Formannskapet	PS	05.05.2021
043/21	Heradsstyret	PS	26.05.2021

Saksbehandlar	ArkivsakID
Olaf Michal Hella	21/990

Prosjekt for vurdering av framtidig barnevernsamarbeid

Rådmannen sitt framlegg til vedtak:
Saka vert teken til vitande.

Formannskapet - 032/21

FS - behandling:

AVRØYSTING

Rådmannen sitt framlegg vart samrøystes tilrådd.

FS - vedtak:

"Saka vert teken til vitande."

Heradsstyret - 043/21

HS - behandling:

Tone Mjelde, SV, bad om gildskapsvurdering for seg som tilsett i barnevernstenesta i kommunen, ho har ikkje leiarrolle og har ikkje ansvar i prosjektet - ho tok ikkje del i møtet ved handsaming av gildskap.

Roy Håkon Jensen, SV, møtte som vara - 27 medlemmer/varamedlemmer til stades.

Ordføraren viste til at saka er på overordna nivå med vurdering av mogleg framtidig samarbeid.

AVRØYSTING - gildskap

Tone Mjelde, SV - vart samrøystes kjend gild

Vedtaket vart gjort med heimel i kommunelova § 11-10, 1. ledd. Heradsstyret kjende Tone Mjelde gild, då ein fann at det ikkje låg føre opplysningar som gjer ho ugild etter fvl. kap. II, § 6, 1.ledd, og heller ikkje etter 2. ledd, *likeså er han ugild når andre særegne forhold foreligger som er egnet til å svekke tilliten til hans upartiskhet, blant annet skal legges vekt på om avgjørelsen i saken kan innebære særlig fordel, tap eller ulempe for ham selv eller noen han har nær personlig tilknytning til.* då prosjektet i denne fasen ikkje vil ha konsekvensar for tilsette.

Tone Mjelde, SV, kom tilbake til møtet - Roy Håkon Jensen, SV, gjekk frå møtet - 27 medlemmer/varamedlemmer til stades.

AVRØYSTING

Formannskapet si Innstilling - samrøystes vedteken (7FRP,5SP,4H,4AP,3KRF,2SV,1MDG,1V)

HS - vedtak:

"Saka vert teken til vitande."

Saksopplysningar:

Saksopplysningar:

Kommunalsjef for Oppvekst i Vaksdal kommune tok kontakt med Kommunalsjef for Oppvekst, Undervisning og Kultur i Osterøy for å vurdere eit samarbeid for at kommunane skal vere rusta til å handle etter ny barnevernslov som gjeld frå 1.1.22.

Det er ønska at prosjektet ser på kva mogelegheiter ei samla barnevernsteneste vil gje kommunane som deltek i samarbeidet. Det er eit mål at tenesta skal vere robust med tydeleg overordna struktur og styring som legg vekt på gode avgjerder. Barnevernet skal rå over ressursar og tiltak som er riktige til dei barna som treng det.

Bakgrunn

Frå 1. januar 2022 vert det innført ny barnevernslov i Noreg. Dette endrar kommunane sitt ansvar og kommunen skal i framtida betale større del av tiltak barnevernstenesta rår over. Barnevernet må difor reformerast for å vere organisert og rusta til å møte krava som den nye lova set.

Formålet med prosjekt er å få fram eit framlegg til eit samarbeid og organisering av barnevernet i Osterøy og Vaksdal som er berekraftig og framtidsretta. Vaksdal kommune er vertskommune for barnevernet i Modalen kommune. Vurderingane om samarbeid må difor gjerast i dei tre kommunane.

Prosjektmål, omfang og avgrensing

- Vurdere framtidig organisering for å møte ny barnevernslov frå 1. januar 2022 der kommunane Osterøy, Vaksdal og Modalen samarbeider for å gje forsvarlege tenester til innbyggjarane i kommunane. Tenesta skal vere kostnadseffektiv og sikre at kommunane har riktig kompetanse som er organisert for å møte framtidas behov.
- Organisering av tilbodet må utarbeidast som viser linjene for avgjerd i den nye barnevernsorganisasjonen.
- Prosjektet må vurdere kva andre kommunale tenester som skal sjåast i samanheng med ei interkommunal barnevernsteneste.
- Prosjektet må vurdere korleis systemarbeid kan organiserings opp mot andre tenester for å kunne møte reforma som ei oppvekstreform
- Prosjektet skal også vurdere korleis kostnadane skal fordelast mellom kommunane.

Vurdering

Barnevernsreforma vil krevje at kommunen arbeider annleis. Det vert viktig med tidleg innsats og tiltak i det generelle tilbodet både i barnehage og skule. Familiar som treng støtte må få rask hjelp. Å vurdere eit samarbeid med Vaksdal kommune kan vere med å skape ei robust teneste for innbyggjarane i kommunane.

Når prosjektgruppa har vurdert samarbeidet vil vi legge sama fram for formannskapet og heradsstyre for avgjerd hausten 21.

Konklusjon

Rådmannen vil setje ned ei prosjektgruppe som vurderer samarbeid i barnevernet mellom kommunane Osterøy, Vaksdal og Modalen. Prosjektgruppa arbeider fram eit endeleg framlegg som vert lagt fram for politisk avgjerd hausten 21.